



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-49-1-3232-12/18

Datum: 27.12.2018.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 27.12.2018.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

O D L U K U

o izboru najpovoljnijeg ponuđača

I

Najpovoljnija ponuda za usluge u predmetu nabavke "Izrada Studije izvodljivosti saobraćajnog rješenja za grad Tešanj i formiranje južnog izlaza" po cijeni od 16.649,00KM (slovima: šesnaesthiljadašeststotinačetrestdesetdevet i 00/100 konvertibilnih maraka) odnosno sa PDV-om u iznosu od 19.479,33KM (slovima: devetnaesthiljadačetiristotinesedamdesetdevet i 33/100 konvertibilnih maraka) je ponuda ponuđača Institut za građevinarstvo "IG" Banja Luka.

II

Ponuda je dostavljena u Konkurentskom zahtjevu za dostavljanje ponuda koji je objavljen na Portalu javnih nabavki dana 29.11.2018.godine pod brojem: 375-7-2-351-3-110/18, kriterij za dodjelu ugovora je najniža cijena.

III

Obavezuje se izabrani ponuđači da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponude ponuđača INK Constructor doo Banja Luka i NTSI-INSTITUT doo Sarajevo, odbacuju se kao formalno neispravne.

V

Za realizaciju Odluke zadužuju se Služba za urbanizam, imovinsko-pravne poslove i katastar općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Postupak javne nabavke za usluge "Izrada Studije izvodljivosti saobraćajnog rješenja za grad Tešanj i formiranje južnog izlaza" pokrenut je Odlukom o pokretanju postupka broj:02-49-1-3232-2/18 od 27.11.2018.godine. Odabran je Konkurentski zahtjev za dostavu ponuda, koji je objavljen na Portalu javnih nabavki dana 29.11.2018.godine pod brojem:375-7-2-351-3-110/18, procijenjena vrijednost javne nabavke bez PDV-a je 25.650,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 4 (četiri) ponude i to: ponuda INK Constructor doo Banja Luka, ponuda NTSI-INSTITUT doo Sarajevo, ponuda Konzorcij Saraj INŽENJERING doo Sarajevo i Fakultet za saobraćaj i komunikacije Sarajevo i ponuda Institut za građevinarstvo "IG" Banja Luka.

Komisija za javne nabavke imenovana rješenjem Općinskog Načelnika broj:02-49-1-3232-5/18 od 14.12.2018.godine izvršila je dana 20.12.2018.godina javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su 2 (dvije) ponude formalno ispravno (sadržajno kompletne i ispravnog sadržaja) i da se kao takve mogu ocjenjivati u skladu sa zahtjevom za dostavu ponuda.

Svi ponuđači su dostavili dokaze koji su traženi za preferencijalni tretman domaćeg.

Komisija je izvršila rangiranje prihvatljivih ponude prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila da su za usluge predmetne nabavke najpovoljniji ponuđač ponuđača kako slijedi:

1. Institut za građevinarstvo "IG" Banja Luka
2. Konzorcij Saraj INŽENJERING doo Sarajevo i Fakultet za saobraćaj i komunikacije Sarajevo

Komisija je kod ocjene ponuda takođe utvrdila da:

- Ponuda INK Constructor doo Banja Luka sadrži: Izjavu ponuđača da ima otvorena dvaračuna u dvije poslovne banke te da ni jedan od njih nije glavni račun (Izjava od 18.12.2018.godine), kopiju Izvještaja Centralne banke iz koje je vidljivo da ponuđač ima aktivna četiri računa za poslovanje u dvije poslovne banke (Izvještaj o računima poslovnog subjekta od 17.10.2018.godine) te dvije kopije poslovnih banaka (Potvrda NLB Banka broj:03-03-01.1-2924/18 od 15.10.2018.godine i Potvrda o likvidnosti MF Banka broj:107-24167/18 od 15.10.2018.godine) iz kojih je vidljivo da ponuđač ima otvorena dva transakcijska računa koji nisu blokirani u posljednjih 12 mjeseci ali iz potvrda nije vidljivo da se i jedan račun vodi kao glavni račun, a Tačkom 2.3. tenderske dokumentacije propisano je da u svrhu dokazivanja uslova iz člana 47. Zakona o javnim nabavkama ponuđač je dužan uz ponudu dostaviti: - običnu kopiju Potvrde banke kod koje ponuđač ima otvoren GLAVNI RAČUN za poslovanje (na potvrdi naznačiti da se radi o glavnom računu za poslovanje), da račun nije blokirani u posljednjih 6 (šest) mjeseci. Iz dostavljenih potvrda uz tendersku dokumentaciju nije vidljivo da li se radi o Glavnom računu za poslovanje.

Takođe ponuđač INK Constructor doo Banja Luka je u svojoj ponudi dostavio kopiju Zahtjeva za Pismo preporuke za izvršene ugovorene usluge broj:173-07/17 od 18.07.2017.godine upućeno PricewaterhouseCoopers doo Sarajevo sa prijedlogom teksta pisma preporuke za izradu Strategije transporta (drumskog, željezničkog, vodnog i vazdušnog) Republike Srpske, iz kojeg je vidljivo da je usluga vršena u periodu maj 2016. do jun 2016.godine te da je vrijednost ugovora 48.054,24KM, kao i Ugovor (agreement) na engleskom jeziku od 28.04.2016.godine.

Naime ponuda INK Constructor doo Banja Luka ne sadrži Spisak izvršenih ugovora o uslugama koje su predmet nabavke u posljednje 2 godine, ili od datuma registracije, odnosno početka poslovanja, ako je ponuđač registrovan, odnosno počeo da radi prije manje od dvije godine kao ni Potvrdu koju daje druga ugovorna strana o njihovoj realizaciji, a koja obavezno sadrže: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima kako je to propisano tačkom 2.4.2 tenderske dokumentacije. Naime ponuđač je trebao dostaviti Spisak izvršenih ugovora (dokument koji izrađuje, potpisuje i ovjerava ponuđač) uz Potvrdu koju daje druga ugovorna strana o realizaciji ugovora koji su naznačeni na spisku.

Pismom za preporuku kao i ugovorom na engleskom jeziku (sve je i datumski više od dvije godine od datuma predaje ponude) ponuđač nije dostavio dokumentaciju traženu tačkom 2.4.2 tenderske dokumentacije te nije dokazao da ima iskustvo u realizaciji najmanje 1 (jednog) ugovora na uslugama kao u predmetnoj nabavci, minimalne vrijednosti 25.000,00 KM u posljednje 2 godine.

- Ponuda NTSI-INSTITUT doo Sarajevo nije prihvatljiva, ponuđač dostavljenim Spisakom izvršenih ugovora o uslugama koje su predmet nabavke u posljednje 2 godine (Spisak od 18.12.2018.godine) i Potvrdom koju daje druga ugovorna strana o njihovoj realizaciji (Potvrda broj:03-292-07/18 od 12.07.2018.godine izdata od EYOF 2019 doo) *nije dokazao svoje iskustvo u poslednje dvije godine u izradi studija*, kako je traženo tačkom 2.4.2 tenderske dokumentacije. Naime iz dostavljene dokumentacije

je vidljivo da je ponuđač na osnovu ugovora sa EYOF 2019 doo radio na izradi Master plana transporta EYOF 2019.

Ponude ponuđača INK Constructor doo Banja Luka i NTSI-INSTITUT doo Sarajevo su u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-3232-11/18 od 27.12.2018.godine), da se u predmetu javne nabavke usluga "Izrada Studije izvodljivosti saobraćajnog rješenja za grad Tešanj i formiranje južnog izlaza", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za usluge određuje ponuda Institut za građevinarstvo "IG" Banja Luka odnosno kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača za usluge predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljnija izabrana je ponuda Institut za građevinarstvo "IG" Banja Luka, sa cijenom od od 16.649,00KM (slovima: šesnaesthiljadašeststotinačetrestdesetdevet i 00/100 konvertibilnih maraka) odnosno sa PDV-om u iznosu 19.479,33KM (slovima:devetnaesthiljadačetiristotinesedamdesetdevet i 33/100 konvertibilnih maraka).

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 5 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđačima x4,
2. Služba za urbanizam, imovinsko-pravne poslove i katastar,
3. Web stranica općine Tešanj, elektronski,
4. Predmet.



OPĆINSKI NAČELNIK

Mr.sc. Suad Huskić

